

Kontuola

ANTZUOLA / Egubakoitza / 2001eko urriaren 19a / 87. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Gazteek laster izango dute euren lokala

AINTZANE IRIZAR

Maristen eraikina itxi zutetik, gaztetxe barik egon dira gazteak. Udaleko arduradunek, berriz, gaztetxea jartzeko lokal egoki baten bila jardun dute. Bi aukera zituzten esku artean; egueneko osoko bilkuran erabakitzeak ziren bietako zeinetan jarri gaztetxea.

Mireia Unamuno alkateak esan zigunez, gaztetxea jartzeko moduko lokal egoki bat topatzea ez da lan erraza izan; alde batetik, gaztetxearen berezitasun batzugaririk, zaratarengatik, esate baterako, lokal berezia behar zelako; bestetik, lokalaren ugazaba batzuek ez zutelako errentan eman nahi.

Kontuak kontu, azkenean, gaztetxea jartzeko moduko lokal bat topatu zuten, oinetako denda egon zena, Kalebarrenean. Aukera hori esku artean zutela, Surpe taberna itxi behar zutela jakin zuten, eta ugazabak gertu egongo lirakeela errentan emateko.

Udaleko ordezkariak aukera biak aztertzen jardun dute, eta egueneko osoko bilkuran horietako baten aldeko erabakia hartzeak ziren.



Baliteke oinetako denda egon zen lokalean jartzea gaztetxe berria.

GAZTEEK, KALEBARRENGOA NAHIAGO

Gazte Asanbladako kideekin hartu-emanetan jardun dute Udaleko arduradunek. Aurreko astean egindako batzarrean gazteek adie-

razi zieten nahiago zutela Kalebarrengo lokala. Zera esan zuten: "Ez dugu nahi lehengoan erortzea; gaztetxea taberna hutsa baino gehiago izatea nahi dugu".

GAZTETXEA

Lurraldearen Zatiko Plana aurkeztu zuten

AINTZANE IRIZAR

Eusko Jaurlaritzak eta Diputazioak ezagutzera eman dute Lurraldearen Zatiko Plana; hain zuzen, Debagoienarendako hainbat ekimen proposatu dituzte. Eguaztenean, plan hori idatzi duen Jose Migel Toledo arkitektoa udaletxean egon zen, plana azaltzen.

Udaleko ordezkari eta teknikariek plan horretan batzen diren ideia, proposamen eta aurreikuspenen gaineko azalpenak ematera etorri zen Toledo eguazten arratsaldean. Debagoieneko ekimenei gaineko azalpenak ematera, baina, bereziki, Antzuolaren gainekoak. Izan ere, Debagoienaren gaineko plana den arren, herri bakoitzean aurrez ikusten diren ekimenak ere zehazten ditu.

Udalek arau subsidiarioak egiten dituzten moduan, Diputazioak Lurraldearen Zatiko Plana egiten du. Horrela, datozen urteotan hainbat arlotan egingo diren ekimenak aurrez ikusten ditu, eta hainbat irizpide zehaztu. Datozen 16 urteetarako aurreikuspena egiten du, hain zuzen ere.

HAINBAT EKIMEN BERRI

Antzuolari dagokionez, orokorrean, arau subsidiarioetan aurrez ikusten diren ekimenak jasotzen ditu LZPK. Hainbat herri-tan gertatu da arauetan eta planetan jasotakoak bat ez etortzea. Antzuolaren kasuan, baina, arau subsidiarioak eta plana arkitekto talde berak egin izanak horrelakoak ekidin ditu.

Dena dela, badago ekimen berri bat, arauetan aurrez ikusten ez dena: Ely lantegiaren inguruetan etxebizitzak egitea, hain zuzen. Beste hainbat proposamen ere egiten dituzte; hona hemen horietako batzuk: Bergarekin hobeto komunikatzea, industria guneak bultzatzea, etxebizitza gehiago egitea, horrela, biztanleria bultzatuz...

Bestetik, garraio bide eta komunikazio bideek garrantzi handia hartzen dute, tranbiak, esaterako. Lurraldearen Zatiko Planaren arabera, tranbia ez da gurera iritsiko, baina lotuta egongo gara autobus zerbitzuen bitartez. Hor ditugu, bestetik, Abiadura Handiko Trenaren proiektua eta Beasain-Durango autobidearena, esaterako.


HERRITARREN HITZA / Joseba Lezeta • Kazetaria

Beste itxiera bat

Lehenik eta behin, nire elkartzasuna Enekoitz, Aritz eta euren egunkari-ko lankideei. Lanean lehenbailehen hasteko aukera izan dezatela, eta *Euskaldunon Egunkaria*-n, gainera.

Azken egunotan, hala ere, izan da Antzuolan beste itxiera mingarri bat ere, bestearekin zerikusirik ez duena. Surpe taberna itxi dute. Hogeitabat urte egingo zituen zabalik, Peito mostradore atzean zuela. Domekan itxi zituzten Surpeko ateak, eta zenbait bezerori negar malkoak ere isuri eizitzaizkion. Ikusitakoan berbak dira.

Gaztetxearekin batera samar ireki zuten Surpe eta zenbait lagun koadrilarentzat, batentzat, batez ere, bilgune izan da urte askoan. Bizitza erdiko ordu asko eta asko eman dituzte han sartuta, barrualdeko mahai eta aulkietan, erdi ilunpean. Jokoan egin, kafea hartu, garagardoa edan, aldizkariren bat leitu, Realaren golak ospatu, baita Athletici sartutakoak ere -alderantziz



"Beste itxiera mingarri bat ere izan da herrian: Surpe itxi dute"

egin duenik ere bada, zela ez, bestela futbola ez litzateke futbola izango-, Induraini bultza egin telebistaren bidez, Juan Joxe Pollero-ren hutsunea nolabait bete hura falta izan zen bitartean... Oroitzapen asko dira.

Gogoan dut egubakoitz gau bat. Ez zen ezer berezirik ospatzen Antzuolan, baina hiruzpalau koadrila elkartu ziren Surpen. Bezero bat mostradore barrura

sartu eta bera hasi zen zerbitzatzan, kobratzen, musika jartzen, kantuan... Sekulako giroa sortu zen. Kantuan, dantzan... han ez zen inor geldirik geratu. Orduak eman genituen Surpetik beste inora mugitu barik.

Santiagonekoa, Larreane-koa eta Ongi Etorri betiko tabernak dira Antzuolan. Surpe berriagoa da, baina bere lekua izan du pare bat hamarkadatan. Bizitzaren gorabeherak direla eta, itxi egin dute eta ikusteko dago aurrerantzean zer gertatuko den harekin. Baina lehengo Surpe zenbaiten gogoan geratuko da betiko.

KIROLA

PARTIDUAK

FUTBOLA
Martxoak 8
16:00: Antzuola-Legazpi (2. erregional)
Martxoak 9
18:00: Antzuola-Segura (Gazteak)

PILOTA
Martxoak 8 (Udaberri Saria)
17:00: Olalde-Altzatarra I (nag. palet.)

EMAITZAK

FUTBOLA
Arrate 0 Antzuola 6 (2. erregional)

PILOTA
Udaberri Saria
Altzatarra II-Olalde (nag. pal.) . 35-26
Gipuzkoako txap. (finalaurrekoa)
Olalde-Beharzana (inf. eskuz) . 18-17

ELKARRIZKETA

JUAN CARLOS ALONSO/PSIKOLOGOA

“Fikzioaren bitartez, ipuinen bitartez, errealitatea uler dezakete umeeek”

A.I.
A tzo, eguena, hitzaldia egin zuen Juan Carlos Alonso Herri Ikastetxean. Ipuinek umeendako duten garrantziaren gainean egin zuen berba. Datorren egunean, hilaren 13an, gai beraren gaineko bigarren hitzaldia egingo du.

Lehenago entzun nion aditu bati esaten, arazoei aurre egiteko baliabideak ematen dizkietela ipuinek umeei.

Bai; normala denez, euren egunerokotasunean arazotxoak edo gatazkak dituzte umeeek: beldurrak, konplexuak... Zer gertatzen zaien ulertzeko beharra dute, baina ume txikiek oraindik ezin dituzte ulertu errealitatearen zergatiak, ezin direlako besteen lekuan jarri. Baina fikzioaren bitartez, ipuinaren bitartez, errealitatea uler dezakete, horiek umearen maila psikoafektibo berean gertatzen dira-eta. Horren harira, ipuinaren amaiera oso garrantzitsua da, arazoaren irtenbide egokia proposatzen diolako umeari.

Zer da ipuin on bat?

Umea gorantz bultzatzen duena; hau da, errealitatetik ihes egiteko aukera ematen diona. Irudikatzen gonbidatzen duena, ipuinean ikusten edo entzuten duena baino gehiago eskaintzen diona. Azken baten, umearen sentibilitatea ukitzen duena. Zelan aukeratu umearendako ipuin bat?

Lehenik eta behin, istorio on bat eskaini behar dio, umearen nahiekin eta bizitzarekin zerkusia duena, identifikatzea errealitatearen istorioa eta abentura txikiak edo handiak gertatzen diren.

Irakurtzen ez jakin arren, ipuinek asko erakutsi diezaiekete umeei, ezta?

Hizkiak irakurtzen ez jakin arren, ume txikiak beti bereganatzen ditu mezuak, ulertzen du irudi bat ikusten duenean edo kontakizun bat entzuten duene-



PEÑAFLORENDA IKASTETXEA

“Ipuinaren amaiera garrantzitsua da, arazoaren irtenbide egokia proposatzen diolako umeari”

an. Horren harira, umeak irakurri egiten du, irakurtzen jakin barik ere. Jaiotzen denetik badauki irakurtzen.

Ipuinak kontaktzeak ere garrantzia dauka, ezta?

Bai. Ume batek guk ipuin bat irakurtzeko eskatzen badigu, zer

“Umeak ipuina kontatzeko eskatzen badigu, gurekin egon nahi du, elkarrekin egotea”

nahi du? Jakina, ipuin bat kontatzea. Baina baita gurekin egotea ere. Elkarrekin irakurri behar dugu, partekatuz, afektibitate eman. Bestalde, umeak hitzez ere elikatu behar ditugu, irudi bako kontakizun asko kontatuz, euren irudimena lantzeko.

INAUTERIAK

Kolorez eta dantzaz bete zituzten kaleak

AINTZANE IRIZAR

Giro polita izan genuen herrian aurreko asteburuan. Gurean ere ospatu genituen Inauteriak, eta jende askok hartu zuen parte, gainera.

Egubakoitzean umeen txanda izan zen; egun horretan, mozo-rotuta joan ziren eskolara. Arratsaldean, txokolate eta torrada jana izan zuten, baita Zirko Tti-

piaren emanaldia ere.

Zapatuan, berriz, ekitaldi berri bat izan zen: Gazte Asanbladak antolatuta, hainbat gazte parrokiako egoitzan elkartziren, mozo-rotu afarian.

Domekan, berriz, ohiturari jarraituz, Inauterietako dantzen txanda izan zen. 10:00etatik ibili ziren dantzariak kalejiran. Egurdian, berriz, ikuskizun polita eskaini zuten dantzariak plazan.



Domekan, piratek hartu zuten herria.

LABUR

‘Euskaldunon Egunkaria’-ren aldeko herri batzordea osatzeko batzarra deitu dute

Euskaldunon Egunkaria itxi dutela eta, egunkari horren aldeko herri batzordea osatzeko deialdia egin dute herrian. Datorren martitzenean, hilaren 11n, egingo dute batzarra udaletxean, 18:00etan.

Bestalde, Matz-Erreka enpresatik jakinarazi digutenez, enpresako Euskara batzordeak elkartasuna adierazi dio Egunkaria-ri, eta euren esku dagoen guztia egiten saiatuko direla esan dute, “nahi eta behar dugun egunkaria berrituz gure artean izan dadin”.

Herriko Paleta Txapelketan izena emateko epea martxoaren 17ra arte luzatu dute

Martxoaren 3ra arte eman zuten Olalde elkarteak txapelketan izena emateko aukera. Oraingoan, sei bikotek bakarrik eman dute izena; horregatik, izena emateko epea hilaren 17ra arte luzatzea erabaki dute. Bide batez, gogora ezazue bi mailatan jokatu dute-la Paleta Txapelketa.

LARREA
TABERNA
Kalebarren 17
ANTZUOLA

ANTZUOLA
Apainketak eta isolamenduak
Pladurrezko dibisioak
Kalegoi 21 ANTZUOLA
676 997 400
Biltegia: 943 78 70 40

Tomas Gezalaga
Apainketarako eta industriarako pinturak
Paper margotuak
Moketak eta tapizatuak
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

GAILUR
taberna eta gozotegia
Buztinzuri 13 ANTZUOLA
Tf. 943 78 70 32

Tomas Gezalaga
Zoruen kutxilatuz eta barnizaketa
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA